



**Sinerissap qanittuani aalisariutit isaterneqarneranni akileraaruteqaataajunnaarnissaannik Naalackersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Jens Napätôk', Partii Naleraq)  
(Siullermeerneqarnera)

Aallarniutigalugu Demokraatini siunnersuuteqartoq Inatsisartunut ilaasortaq Jens Napaattoq, Parti Naleraq siunnersuutaa pillugu qutsavigerusupparput.

Siunnersuuteqartup siunnersuutigaa, isaterinermut tapiissutinik sinneqartoorutit akileraarutaarutsinneqassasut, taakku tapiissutit tunniunneqartarput, nalilerneqaraangat aserfallattaalinissaa akisuallaarujussuassasooq imaluunniit angallat atorunnaartariaqartoq.

Demokraatini isumaqarpugut angallatikut isaternissaannut tapiissuteqartarnek aqqissuussinerusooq pitsaasooq. Tapiissummik pisarnermikkut aalisartut periarfissinneqartarput angallamminnik taarsiinissaminnut aamma tapiissutisisarnermikkut aalisartut ineriartornermut malinnaalluarnerunissaminnut periarfissinneqartarput. Aalisarnermi atortut nutaanik taarsernerisigut aalisartut pitsaaneruserumik aamma qularnaanneruserumik ingerlatsisinnaangortarput.

Aqqissuussineq siunissami ingerlaannassaaq aalisartortagut allamiunut aalisartunut unammillerluarneruserinnaaqullugit. Aqqissuussinerit taamaattut aamma nunani allani atorineqartarput.

Angallatilli qanganitserlutik atorsinnaajunnaalinnginneranni aalisartut allatulli inuutissarsiutaatilittut periarfissaqarput atortuminnik nalikilliliinissaminnut. Akikilliliinikkut inuutissarsiortut angallammik nalikillilernerata nalinganut minneruserumik akileraartinneqartarput.

Isaterinermut tapiissutinik sinneqartoorutit akileraarutaarutsinneqassappata taava aalisartut allanut inuutissarsiortunut naleqqiullugit periarfissarissaarnerulersinneqartussaapput tamannalu Demokraatini akuerisinnaangilarput.

Demokraatinut pingaaruteqarpoq tunngaviusumik inuutissarsiortut tamarmik assigiimmik atungaqartinneqarnissaat. Oqarutta tunngaviusumik isumaqarpugut immikkut unammillernarsinnaasut eqqarsaatigalugit immikkuullarissunik aqqissuussisariaqartassasugut. Isaterinermut tapiissuteqartarnek inuutissarsiortunut aalajangersimasunut immikkuullarissumik aqqissuussineruvoq. Aqqissuussineq tamanna tapersorparput, aqqissuussinerulli nassataanik sinneqartoorutit akileraaruteqaataajunnaarnissaannik oqalunneq ilalersinnaangilarput.



Taamatut oqaaseqarluta Demokraatini siunnersuummut akuerseqataaniangilagut. Demokraatini siunnersuut ataatsimiititaliamut ingerlateqqissinnaavarput, ataatsimiititaliap qularnaarniassammagu, akileraartarneq eqqarsaatigalugu aalisartut inuutissarsiortunut allanut naleqqiullutik ajornerusumik atugaqannginnissaat, angallatit atorunnaartut isaternissaannut tapiissutisisarnertik pissutigalugu.